



Broj:01-1-1592/25

Datum:05.12.2025.godine

Na osnovu člana 108. a u vezi sa članom 6. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo" broj:27/24), člana 57. Zakona o zaštiti ličnih podataka ("Službeni glasnik BiH" broj:12/25) člana 11. i 131. Pravila JU OŠ "Mustafa Busuladžić" Sarajevo, Školski odbor JU OŠ "Mustafa Busuladžić" Sarajevo na 59.sjednici održanoj dana 05.12.2025.godine jednoglasno donosi

ODLUKA

o uvođenju i korištenju sistema videonadzora u JU OŠ "Mustafa Busuladžić" Sarajevo

I PREDMET PRAVILNIKA

Član 1. **(Predmet odluke)**

Ovom odlukom uređuje se uvođenje, način korištenja i nadzor nad sistemom videonadzora u prostorijama, objektima i školskom dvorištu JU OŠ "Mustafa Busuladžić" Sarajevo, ulica Ahatovička broj 51, radi zaštite zaposlenika, imovine i poslovnih prostora društva.

II ZAKONSKI OKVIR

Član 2. **(Pravna osnova)**

Zakon o zaštiti ličnih podataka Bosne i Hercegovine Član 57. predviđa uspostavu videonadzornog sistema.

Član 3. **(Svrha i cilj videonadzora)**

(1)Videonadzor se uvodi radi:

1. zaštite sigurnosti učenika, zaposlenih, roditelja i posjetilaca ,
2. zaštite poslovne i tehničke imovine Škole ,
3. sprečavanja i dokumentovanja nezakonitih radnji, provala i kriznih situacija,
4. povećanja ukupne sigurnosti prostora u kojim se obavlja djelatnost.

(2)Videonadzor se ne koristi u svrhu praćenja rada zaposlenih, niti za disciplinske postupke.

Član 4. **(Lokacije kamera)**

- (1) Unutrašnje kamere pokrivaju glavne koridore, hodnike i komunikacije unutar škole a ne u privatnim ili sanitarnim prostorijama.
- (2) Vanjske kamere pokrivaju prostor dvorišta škole, ulaze u školsko dvorište i prostor školskog igrališta.
- (3) Tačna lokacije kamera utvrđene su internim planom tehničke zaštite.

Član 5.
(Čuvanje i pristup snimcima)

- (1) Snimci se pohranjuju na zaštićenim serverima i na HDD diskovima i čuvaju najduže 30 dana, osim ako su izdvojeni radi istrage i/ili incidenta.
- (2) Pristup snimcima imaju isključivo:
 1. direktorica škole,
 2. službenik za zaštitu ličnih podataka
 3. lice ovlašteno od direktorice u slučaju incidenta.
- (3) Svaki pristup se evidentira.

Član 6.
(Transparentnost)

- (1) Škola postavlja vidljiva obavještenja o postojanju videonadzora na svim ulazima u objekat škole.
- (2) Obavještenje sadrži:
 1. naziv kontrolora: JU OŠ "Mustafa Busuladžić" Sarajevo,
 2. svrha obrade: zaštita ljudi i imovine,
 3. kontakt podataka društva,
 4. uputu na pravo osobe da se obrati Agenciji za zaštitu ličnih podataka BiH.

Član 7.
(Odgovorno lice)

Za nadzor nad primjenom ove Odluke i ispravnost sistema videonadzora određuje se:
Lejla Pašić, direktorica škole

Član 8.
(Interni pravilnik)

Korištenje sistema videonadzora detaljno se uređuje Pravilnikom o videonadzoru u prostorijama JU OŠ "Mustafa Busuladžić" Sarajevo, koji je sastavni dio ove Odluke.

Član 9
(Stupanje na snagu)

Ova Odluka stupa na snagu danom donošenja.

PREDSJEDNIK ŠKOLSKOG ODBORA

Sejdo Macić, dipl. ing.el.



Na osnovu člana 57.stav (1) Zakona o zaštiti ličnih podataka Bosne i Hercegovine („Službeni glasnik BiH“, broj: 12/25), člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Sl. Novine Kantona Sarajevo“ br.:27/24) i Pravila Javne ustanove Osnovne škole „Mustafa Busuladžić“ Sarajevo Školski odbor JU OŠ „Mustafa Busuladžić“ na 59.sjednici održanoj dana, 05.12.2025. godine, jednoglasno d o n o s i

PRAVILNIK O VIDEONADZORNOM SISTEMU U JAVNOJ USTANOVU OSNOVNA ŠKOLA „MUSTAFA BUSULADŽIĆ“

I PREDMET PRAVILNIKA

Član 1 .

Pravilnikom o videonadzornom sistemu u JU OŠ „ Mustafa Busuladžić“ Sarajevo (u daljnjem tekstu: Pravilnik) bliže se određuje uspostava, pravni osnov, svrha, upotreba videonadzornog sistema u prostorijama škole i u dvorištu škole i opseg podataka.

Član 2.

Bliže odredbe o uspostavi, svrhi, upotrebi, zaštiti i obradi ličnih podataka i završnim odredbama vezanim za videonadzor definišu se ovim Pravilnikom.

II ZAKONSKI OKVIR

Član 3.

Zakon o zaštiti ličnih podataka Bosne i Hercegovine Član 57. predviđa uspostavu videonadzornog sistema.

III SVRHA VIDEONADZORNOG SISTEMA

Član 5.

Svrha uspostavljanja videonadzornog sistema u JU OŠ „Mustafa Busuladžić“ Sarajevo jeste neophodna optimizacija sigurnosti učenika, zaposlenika, roditelja i posjetioca škole, u toku nastavnog procesa u prostoru škole i školskog dvorišta; sigurnost objekta i imovine škole u periodu kada se ne izvodi nastavni proces (noćni sati, vikendi, neradni dani i pramici, periodi kolektivnih godišnjih odmora). Videonadzorom mogu biti obuhvaćeni samo prostori ili dijelovi prostora čiji je nadzor nužan radi postizanja svrhe iz stava (1) Člana 57 Zakona o zaštiti ličnih podataka.

IV OPSEG PODATAKA VIDEONADZORA

Član 6.

Videonadzorni sistem škole obuhvata:

- a) Unutrašnje kamere i vanjske kamere.
- b) Nadzorne kamere imaju IR noćno snimanje i osjetljive su na pokret.
- c) Uredaj za pohranu videozapisa deponuje i arhivira videozapise minimalno 2 sedmice, nakon čega se isti automatski brišu.

Član 7.

Unutrašnje kamere pokrivaju glavne koridore, hodnike i komunikacije unutar škole kao i hodnik u prostorijama uprave škole gdje se deponuju matične knjige, registri i dokumentacija od trajnog značaja za rad škole.

Član 8.

Vanjske kamere pokrivaju prostor dvorišta škole, ulaze u školsko dvorište i prostor školskog igrališta.

Član 9.

- (1) Na ulazu u školu i oko školskog dvorišta postavljaju se vidljivi znaci obavijesti: PAŽNJA OBJEKAT POD VIDEONADZOROM.
- (2) Znak na samom ulazu u školu sadrži i kontakt telefone preko kojih se mogu dobiti opće informacije o videonadzoru.

VI UPOTREBA PODATAKA

Član 10.

- (1) Uređaj za snimanje i administratorski centar videonadzornog sistema nalazi se u kancelariji direktora škole.
- (2) Direktor škole može ovlastiti i druga lica da imaju pristup administraciji videonadzornog sistema škole u svojstvu kontrolora, kada direktor nije prisutan u školi.

Član 11.

- (1) Kontrolor videonadzornog sistema jeste direktor škole kao odgovorno lice.
- (2) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa članom 21.a Zakona o zaštiti ličnih podataka Bosne i Hercegovine.
- (3) Podacima u smislu stava b) ovoga člana ovlašteno lice, u skladu stava a) ovoga člana, ima u prostorijama škole ili putem IP veze sa druge lokacije ili mobilnog uređaja. Član 14.
- (4) Pristup administraciji videonadzora, monitoringu i obradi podataka imaju i ovlaštene policijske agencije i ministarstva unutrašnjih poslova u Bosni i Hercegovini uz predocjenje validnog naloga.

Član 12.

Monitoring u realnom vremenu nad videonadzorom imaju i druga lica koja ovlasti direktorica škole.

VII ZAŠTITA LIČNIH PODATAKA

Član 13.

- (1) U skladu sa članom 57. Zakona o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem videonadzora.
- (2) Snimci pohranjeni putem videonadzora na određenom prostoru na osnovu kojih se može identificirati nosilac podataka predstavljaju zbirku ličnih podataka.
- (3) Kontrolor koji vrši videonadzor dužan je donijeti odluku koja će sadržavati pravila obrade s ciljem poštivanja prava na zaštitu privatnosti i ličnog života nosioca podataka, ako videonadzor nije propisan zakonom.
- (4) Kontrolor koji vrši videonadzor dužan je na vidnom mjestu istaći obavještenje o vršenju videonadzora i kontakt putem kojeg se mogu dobiti pojedinosti o videonadzoru
- (5) Direktor, kao ni bilo koja druga osoba, ne smije koristiti podatke o osobama prikupljene videonadzornim sistemom zaštite izvan njihove zakonske namjene, a raspolaganje snimkama dopušteno je samo direktoru škole.

Član 14.

Evidencija nad zbirkom ličnih podataka u smislu tehničke izvedbe videonadzornog sistema (arhivski videozapisi) definiše se članom 13. Zakona o zaštiti ličnih podataka Bosne i Hercegovine.

Član 15.

Pravilnik podrazumijeva poštivanje Člana 30. Zakona o radu u Federaciji Bosne i Hercegovine, koji se odnosi na postupanje sa ličnim podacima radnika.

VIII PRELAZNE I ZAVRŠNE ODREDBE

Član 16.

Ovaj Pravilnik stupa na snagu osmog dana od dana objave na oglasnoj ploči Škole. Stupanjem na snagu ovog Pravilnika prestaje da važi Pravilnik o videonadzornom sistemu u JU OŠ "Mustafa Busuladžić" Sarajevo, broj:01-350/25 od 23.04.2019.godine

Član 17.

Za tumačenje odredbi ovog pravilnika nadležanje Školski odbor.

Broj:01-1-1594/25

Datum:05.12.2025.godine

PREDSJEDNIK ŠKOLSKOG ODBORA

Sejdo Macić, dipl.ing.el.

Dostaviti:

- Na oglasnu ploču
- Na web stranicu
- a/a